

国朝耆献类征初编

國朝耆獻類征初編

國朝耆獻類徵初編卷一百四十三目錄

守令二十九

張丙震

武億

李書吉

許鑽

彭運修

許達熊

盛惇大

俞鎬

郭占選

秦鴻升

秦湘
楊英燦

華枋

李騰蛟

張丙鯤

成善

雷汪度

方懷萱

惲敬弟敷

王鉞

方聯聚

盛世佐

補錄

武億

守令二十九目錄

謝凝

王

辛

聖世

謝

式

贈

李

聖

知

俞

秦

華

精

遠

聖

謝

知

李

守令

國朝書牘類稿初編卷二百四十三目錄

國朝耆獻類徵初編卷二百四十三

通奉大夫前署江西巡撫江西布政使司布政使湘陰李桓輯
守令二十九

張丙震

張公諱丙震字乾輝號鑑菴先世自山西崞縣徙家直隸之南皮
遂著籍焉父鐸太學生以公貴 贈朝議大夫母李 贈恭人公
少嚴毅嬉戲有節甫受書一過輒成誦體羸善病臥不廢讀旣愈
文益工弱冠補縣學生員乾隆四十二年丁酉舉於鄉庚子成進
士授兵部主事補武選司升員外郎奉職勤盛暑沴寒未嘗謁假
雞初鳴入 朝肅衣冠凝立不以風雨改度武選事繁委例案糾

勢公鉤稽較覈錄要爲冊恆以自隨吏不敢欺京察一等以保舉授湖南寶慶知府寶慶民苗雜居俗獷悍公下車廉得真奸大猾悉繩以法其餘一切勿問除苛解嬈民以靖一乙卯遭李恭人之喪方解官持服而辰州苗蠢動大吏奏畱公總軍需局於辰州保靖撫苗議起檄往總理夜駐乾州山中遇苗數千皆然繩昇礮從者趨避公坐高阜不少動會官兵至苗潰散去抵保靖苗夜犯城據山發礮鉛丸著窗櫺砰磕有聲或謂公無地方責事急矣盍啟西門由水路出公叱曰吾奉檄來此卽當與城存亡豈有避賊理詰旦苗勢熾甚官僚謀聚經於文廟公止之曰城破身殉者不得已也事猶可全而不爲守計是棄城也死不可言勇率吏民繕守

備數日援兵至城以無恙保靖乾州之閒隱然倚公爲重其年贈
朝議公訃聞公力請奔喪不許仍畱總軍需及永綏估城花園勘
工諸事當是時公墨縑戎馬周歷豺虎之窟崎嶇深篁密箐之中
宣布 朝廷德意詞厲而色溫苗始頑梗久而感動戢帖洗心革
面固 天戈所指震懾耆定亦公恩威兼濟有以潛驅默轉之矣
嘉慶三年戊午大兵凱撤公陳情歸葬久而得遂終制補浙江嚴
州知府嚴州事簡民樸易爲治公顧而樂之以爲治先教化教首
士習乃延見學官弟子禮其優者月召諸生角藝口授手校評定
甲乙新書院之積廢者士烝然向學又厲之以廉恥或以曖昧事
訟者公反覆譬導其人感泣叩頭罷去俗益知自愛重犯法矣桐

廬知縣張鳴鳳治樸茂得民年衰老上官將黜之公力爭曰張某雖老其誠實足取也與其易一谿刻之吏爲地方生事何如畱此鈍拙者與民相安乎安徽棚民墾山於浙與土著訟不勝屢鬪鬪大吏畏其難制議盡逐之公言徽民輸錢墾山其辭直且在浙不下數萬人其鬪鬪者數人而已守土者善拊循之可以無事若槩令出境失其恆業卽未至有他慮亦非所以廣國家一視同仁之意其持大體不苟阿徇類如此壬戌夏旱公申告上官卽行縣親視畦徑驗災輕重畝別爲差列籍既定而勘報之檄始下癸亥麥收復歉米值翔貴公諄諭富室出餘粟濟糴市價得平治嚴州六年豫事急病愛民以誠久而民信之丙寅夏五月不雨至於六

月公憂見於色步禱烈日中觸暑得疾數日卒年五十七郡民聚
哭失聲祀其主於范希文張南軒呂東萊之祠稱四賢焉三先生
皆治嚴有惠愛者也公器宇沈邃人莫窺其際科第仕宦若固有
之嬰涉艱阻恬夷坦穆無纖微見顏色嘗言處事當和緩非聞耳
之謂從容鎮定才餘於事自能猝然臨之而不驚無故加之而不
怒蓋其生平所得力也公好金石文字善鑒別古法帖居官廉自
奉簡約卒之日囊無餘財嚴州士民贈以金乃能舉其喪公娶於
紀封恭人先公卒別有傳子四曰敬曰恆曰誠曰寬

論曰公爲治豈弟樂易易親也臨大事植節度義安之以仁守之
以勇古之所謂不動心者歟君子之學用則行之不用則違之用

之不當其地與當其地而非其任鞠躬盡瘁勞而不伐善處行與
違之閒者也公以郎官出守大學士誠謀英勇文成公實爲舉主
將之官始一謁謝文成曰君正人也所見者大今爲天子守土
得盡所長勉之矣公靖共正直蠲沒簡書受不如其器設施未究
若文成者可謂知人矣

右家傳王宗炎撰

武億

偃師虛谷武君旣卒之明年其孤穆淳走京師來謁曰先君從游
笥河先生久及官博山也以所學見諸施行克廉以惠乃行懲番
役事罷官民歌思之不忘 今上廉知其枉 特詔檄調來京而
先期厭世命也公悉其本末旣詳之銘之以彰不朽則死者誠不
死也予不獲辭按狀君姓武氏名億字虛谷先世由懷慶軍籍遷
偃師當 國初時爲君之曾祖君祖朝龍考紹周雍正癸卯進士
歷官至吏部郎中事蹟見笥河先兄所作神道碑兄弟六人君第
五貌魁偉少喜讀書年十七喪父將冠母孟生母郭皆逝時伊洛
溢屋圯架洿溼以居誦讀不輟斧朽木燎寒傷足血殷不顧年二

十一縣試第一明年入學乾隆庚寅舉鄉試庚子會試中式賜同進士出身以知縣歸班用辛亥選山東博山縣季冬之官問土俗利病釐比邱尼勸節儉勸范泉書院進其秀者躬親講授以敦倫實學革煤炭供饋里馬草豆絕不以累民決辭無畱獄禱雨卽沛有干以賄金二千者曰汝不聞雷聲乎某矢禱久矣輿情大洽乾隆壬子和伯相兼步軍統領風聞妄人言山東反賊王倫未定死密差番役四出蹤跡之於是副頭目杜成德曹君錫等率十一人橫行州縣入博山境信宿飲博手鐵尺指揮莫敢誰何君率役往悉取執之杜成德尤倔强出牌擲之堂瞋目厲聲曰吾輩奉提督府牌緝要犯汝何官也不肯屈膝君立命役撾其脛伏地杖之

曰牌役二名此外十一人爲誰且牌文明言所在報有司協緝汝來三日不吾謁何也吾通揭爾等騷擾狀矣於是咸叩頭求解去其事誼傳省中曰武博山鹵莽禍叵測且所緝何犯也將累及上官時則委員駱驛於道有府佐劉大經者不悅君駕說於大府曰武令濫責無罪乃直書其事劾之伯相哂曰是暴吾差役之不謹而陰爲強項令地也封還其疏乃易以任性行杖空言奏上報罷其時閩縣民間武君去官攜老弱入省幾千餘人乞畱我好官大府察其情悔之曰必還汝知縣姑散歸無譁乃挈君隨入覲將爲謀捐復策而伯相總吏部駁之其說遂寢謝曰君優於學且清貧爲授館於東昌啟文書院君雅不欲以己事累博山父老隨就

聘其後館於亳州臨清魯山安陽鄧州無虛歲所至以小學經史
古文倫品教生徒曰安往非吾學何必仕然知君者咸歎惜之嘉
慶四年 今天子親政和旣伏辜 詔各舉所知於是君之去官
事 聞 敕吏部原任山東博山縣知縣武億行文豫省巡撫咨
部引見將革職原案查奏十一月二十九日 旨也而君先一月
病終於里嗚呼天何旣白其令名而又奪之壽考耶豈陽德消長
復之難而亨尤不易耶君勇於著錄有經讀考異羣經義證金石
跋詩文集百餘卷藏弄於家可謂不愧好古遺直者矣生於乾隆
十年乙丑十一月二十二日卒於嘉慶四年己未十月二十九日
年五十有五配呂孺人男子三穆淳優貢生景淳後於叔父盛淳

女子子二孫一來某年月日葬於某銘曰

嗜古若渴氣食牛姬民慈母愛不嫌不畏強禦剛純鉤先追詔逝
陽道州直幹屈鐵銘松楸

右墓誌銘朱珪撰

乾隆五十七年當和珅秉政兼步軍統領遣提督番役至山東有
所調察其役攜徒眾持兵刃於民間凌虐爲暴歷數縣莫敢何問
至青州博山縣方飲博恣肆知縣武君聞卽捕之至庭不跪以牌
示知縣曰吾提督差也君詰曰牌令汝合地方官捕盜汝來三日
何不見吾且牌只差二人而率多徒何也卽擒而杖之民皆爲快
而大吏大駭卽以杖提督差役奏參副奏投和珅而番役例不當

出京城和珅還其奏使易於是以妄杖平民劾革武君職博山民老弱謁大府畱君者千數卒不獲然和珅遂亦不使番役再出當時苟無武君阻之其役再歷數府縣爲害未知所極也武君雖一令而功固及天下矣君諱億字虛谷偃師人乾隆四十五年進士其任博山縣及去官才七月而多善政民以其去流涕君自是居貧嘗於他縣主書院讀經史考證金石文多精論明義著書數百卷今皇帝在藩邸聞君名及親政召君將用之而君先卒矣君卒以嘉慶四年十月二十九日年五十五余與君未及識第聞其行事讀所著述今遇君子穆洎於江甯爲文使歸揭諸墓上君行足稱者猶多而非關天下利害茲不著

右墓表姚鼐撰

武億字虛谷偃師人父紹周進士官吏部郎中億少喜讀書時伊洛湓屋圯架滂以居斧朽木燎寒誦讀不輟乾隆四十五年成進士五十六年授博山縣知縣問土俗利病釐比邱尼勸節儉勸范泉書院進其秀者親講授以敦倫實學革煤炭供饋里馬草豆不以累民決辭無畱獄禱雨卽沛有干以賄金二千者曰汝不聞雷聲乎吾矢禱久矣輿情大洽大學士和珅風聞妄人言山東反賊王倫未定死密差番役四出蹤跡之於是副頭目杜成德等十一人橫行州縣入博山境手鐵尺飲博莫敢誰何億悉執之成德尤倔强杖之於是叩頭求解去誼傳其事者曰億鹵莽濫責無罪將